


Auff ein ander Weise kanst du erforschen vmb wieviel das Stück hinten höher als vorn ist/ also: Nim den Diameter, oder Zwerch Lini/ der dicke hinten des Geschüzes/ wie hernacher Cap. 8. gelehrt/ vnd achte der sey so lang als die Lini A. B. in der bey<sup>den</sup> stehenden Figur / thu darzu den Diametrum oder Höhe des Mund Lochs/ so C. B. ist/ halbir alsdann diese ganze Lini A. C. in D. vnd schneide ein Stücklein so lang als A. D. ist/ das steche auffrichtig im vntersten Theil des Mund Lochs hiebey E. so wird dir das Stecklein von G. bis F. so hoch vbergehen / als der hintertheil dieses Stück's höher ist / als der vorder theil. Oder / nim die Lini A. D. mit einem Circel/ vnd setz den mit dem einen Fuß vnden ins Mund Loch / Der andere Fuß wird dir weisen / wie hoch es seyn sol. Hier auß kan man auch leichtlich das Centrum des Mundstück's finden. Vnd hievon sey dismal gnug.

Besih die 6. Figur.



A D B C

CAP.